




REPUBLIKA E SHQIPËRISË
KUVENDI
SHËRBIMI LEGJISLATIV
SHËRBIMI JURIDIK



Nr. 1175/12 Prot.

Tiranë më 21.07, 2023

Lënda: Dërgim rezolute

KOMISIONIT QENDROR TË ZGJEDHJEVE

Tiranë


Bashkëlidhur ju dërgojmë:

Rezolutë "Për vlerësimin e veprimtarisë së Komisionit Qendror të Zgjedhjeve për vitin 2022".

Duke ju falënderuar për bashkëpunimin.

SEKRETARI I PËRGJITHSHËM

Genci GJONCAJ






REPUBLIKA E SHQIPËRISË
KUVENDI

MIRATOHET

KRYETARE

Lindita NIKOLLA



REZOLUTË

PËR VLERËSIMIN E VEPRIMTARISË SË KOMISIONIT QENDROR
TË ZGJEDHJEVE PËR VITIN 2022

Kuvendi i Shqipërisë,

Duke njohur përgjegjësinë e Komisionit Qendror të Zgjedhjeve për organizimin dhe administrimin e zgjedhjeve dhe referendumeve, mbikëqyrjen e veprimtarive të administratës zgjedhore, monitorimin e veprimtarisë së subjekteve zgjedhore, institucioneve shtetërore dhe të medias në raport me zgjedhjet, si dhe zgjidhjen në rrugë administrative të kërkesave ose ankesave që kanë lidhje me procesin zgjedhor;

Vlerëson veprimtarinë e KQZ-së gjatë vitit 2022 lidhur me:

Veprimtarinë e administratës zgjedhore dhe administrimin e dokumentacionit zgjedhor për dy procese zgjedhore: për zgjedhjet e përgjithshme për Kuvend të datës 25 prill 2021 dhe për zgjedhjet e pjeshme për kryetar bashkie në bashkitë Durrës, Shkodër, Lushnjë, Dibër, Vorë e Rrogozhinë, të zhvilluara në datën 6 mars 2022.

Hapjen e kutive dhe përpunimin e materialeve zgjedhore me vendimin nr. 3, datë 22.1.2022, të përdorura në zgjedhjet për Kuvendin e Shqipërisë të datës 25 prill 2021.

Organizimin dhe administrimin e procesit të zgjedhjeve të datës 6 mars 2022.

Administrimin e kërkesave ankimore në Komisionin e Ankimeve dhe Sanksioneve.

Miratimin e vendimeve nga Komisioni Rregullator.

Miratimin e akteve nënligjore nga Komisioneri Shtetëror i Zgjedhjeve, në funksion të organizimit dhe administrimit të procesit të zgjedhjeve të pjeshme të datës 6 mars 2022.

Administrimin e denoncimeve nga KQZ-ja gjatë zgjedhjeve të pjeshme të datës 6 mars 2022 për të cilat Komisioneri ka miratuar 30 vendime.

Verifikimin e formularëve të vetëdeklarimit për kandidatët për kryetar bashkie, si rezultat i zgjedhjeve të pjeshme vendore të datës 6 mars 2022.

Trajnimin e administratës zgjedhore, si dhe aktorëve të tjerë që përfshihen në një proces zgjedhor.

Miratimin e programit të detajuar me vendimin nr. 24 të datës 27 janar 2022 të KQZ-së për informimin, edukimin dhe ndërgjegjësimin e zgjedhësve, në të cilin u përfshinë të gjitha kategoritë e zgjedhësve, të rinjtë, votues për herë të parë, gratë, personat me aftësi të kufizuara dhe pakicat kombëtare.

Miratimin nga KQZ-ja të modelit të dhomës së fshehtë (PAK), shabllonin (fleta e votimit) për personat e verbër.

Procesin e këqyrjes paszgjedhore nga administrata e KQZ-së nga data 21.04.2022 - 22.04.2022, me qëllim verifikimin e rregullsisë dhe saktësisë së veprimtarisë së administratës zgjedhore (KQV dhe GN) përgjatë administrimit të procesit të votimit, si dhe veprimeve të grupeve të numërimit të votave për procesin e vlerësimit dhe numërimit të votave.

Realizimin e buxhetit të vënë në dispozicion për zgjedhjet e pjesshme të datës 6 mars 2022, në masën 96.3%.

Përdorimin e Sistemit Elektronik të Identifikimit të Votuesve nëpërmjet Pajisjeve Elektronike të Identifikimit në të 6 bashkitë ku u zhvilluan zgjedhjet.

Zbatimin e projektit pilot për procesin e votimit dhe numërimit elektronik të votave për zgjedhjet e pjesshme vendore për kryetar bashkie të datës 6 mars 2022 në Bashkinë Vorë, Qarku Tiranë, në 44 qendra votimi, me anë të vendimit nr. 48 datë 10.02.2022 të KQZ-së.

Auditimin e fondeve të partive politike (për vitin kalendarik 2021).

Auditimin e fushatës zgjedhore për zgjedhjet për Kuvend të datës 25 prill 2021.

Auditimin e fushatës zgjedhore për zgjedhjet e pjesshme vendore të datës 6 mars 2022.

Procesin e shpërndarjes së fondeve vjetore si ndihmë financiare për partitë politike për vitin 2022.

Plotësimin e vakancave në Kuvendin e Republikës së Shqipërisë, të krijuara gjatë vitit 2022.

Plotësimin e vakancave të kandidatëve për anëtarë në këshillin bashkiak, të krijuara gjatë vitit 2022.

Realizimin e buxhetit të vënë në dispozicion për vitin 2022 në masën 95%.

Përpjekjet e KQZ-së për të mundësuar votimin nga jashtë vendit, duke organizuar një konferencë kombëtare, duke ngritur një grup pune përgjegjës për hartimin e akteve nënligjore normative, që do të përcaktojnë rregullat dhe procedurat e detajuara, të cilat do të mundësojnë votimin nga jashtë vendit, etj.

Përgatitjen e një plani strategjik për përmirësimin e funksionimit të KQZ-së, me qëllim realizimin e zgjedhjeve më të mira, me mbështetjen e Këshillit të Europës.

Aktivitetet e realizuara me organizata partnere dhe ndërkombëtare.

Marrjen e masave gjatë 6-mujorit të dytë të 2022 për organizimin e zgjedhjeve vendore të vitit 2023, me qëllim identifikimin e akteve nënligjore dhe përmirësimin e tyre.

Procesin e rekrutimit të personelit të përkohshëm dhe kontraktimin e shërbimeve të specializuara.

Planifikimin e trajnimeve të administratës zgjedhore.

Përpjekjet për digjitalizimin e proceseve të punës.

Kuvendi rekomandon që KQZ-ja për vitin 2023 të përmirësojë punën në këto drejtime:

1. Të zbatohet Manuali i Monitorimit Vjetor dhe Periodik, i miratuar me vendimin e Kuvendit nr. 134/2018 në të gjitha pikat e tij.

2. Të paraqesë pranë Kuvendit një raport të detajuar për mbarëvajtjen e procesit zgjedhor për zgjedhjet e datës 14.5.2023, duke përfshirë këtu edhe procesin e votimit elektronik,

identifikimin elektronik, si dhe të gjithë infrastrukturën teknologjike të përdorur gjatë procesit zgjedhor.

3. Të bashkëpunojë me institucionet përkatëse, përfshirë këtu edhe Kuvendin e Shqipërisë, në vijim të përpjekjeve të ndërmarra gjatë vitit 2022, lidhur me miratimin e akteve nënligjore në zbatim të Kodit Zgjedhor për të mundësuar votimin e shtetasve shqiptarë, të cilët banojnë jashtë vendit.

4. Të paraqesë në Kuvend raportet e auditimit për raportimin financiar vjetor të partive politike dhe për financimin e partive politike për fushatat zgjedhore, siç është kërkuar edhe në rezolutën e Kuvendit të datës 21.7.2022 “Për vlerësimin e veprimtarisë së Komisionit Qendror të Zgjedhjeve për vitin 2021”, si edhe për vitin 2022.

Miratuar në datën 13.7.2023